


山縣志卷十七

源任山東博山縣知縣偃師武億

同纂


魯山縣知縣餘杭董作棟

金石志




右古布一文近漫滅李渡釋作庠陽卽爲魯陽案說文从部炭古文旅古文以爲魯衛之魯楊南仲釋韓城鼎銘魯字古作表古文魯旅二字通用集韻旅古作魯困學紀聞仲子有文在手曰爲魯夫人正義曰石經古文魯作表手

文容或似之是也春秋時列國皆自爲貨布以通有無考
諸管子國蓄篇人君鑄錢立幣民庶之通施也輕重篇天
下諸侯載黃金珠玉五穀文采布泉輸齊以收石壁石壁
流而之天下据是則都邑亦以其地名其貨布如卽墨徒
陽之屬今尙出土流傳此布蓋爲魯陽所冶鑄無疑也布
藏胡君雨亭家君蓄古刀布及歷代錢最夥今擇其于史
志可資考証者凡若干



右古布一文曰幽豎案幽古魯字許尙功鐘鼎款識魯公

鼎作鹵字引說文云鹵字從西省冢鹽形卽魯字也古之
文字形聲假借如鄒作許咎作皐繆作穆之類是也金石
錄文王尊彝銘仲忽以器銘上一字與小篆鹵字相似遂
讀爲魯予又考史記游俠傳太原鹵公孺漢書作魯翁孺
亦一証也鹵又與櫓通漢書項籍傳流血漂鹵注鹵大盾
也蓋古文通借之學不講其于經說皆望文生義矣昌黎
云凡爲文詞宜畧識古字予故于是首發之



右泉無輪廓文云莢案左氏傳大叔出奔其注其國名竹書紀年厲王十三年王在彘其伯和攝行天子事號曰其和二十六年周定公召穆公立太子靖爲王其伯和歸其

國

注和有至德尊之不喜廢之不怒逍遙得志于其山之首

史記索隱引汲冢紀年云

其伯于王位

今本無此文

其國伯爵言其伯攝王政故云于王

位也正義引魯連子云衛州其城縣本周其伯之國其伯名和好行仁義諸侯賢之周厲王無道國人作難王奔于彘諸侯奉和以行天子事號曰其和元年十四年厲王死于彘其伯使諸侯奉王子靖爲宣王而其伯復歸國于衛也据是則錢文作其字者當爲其伯所製與其伯傳記皆號爲賢故其泉貨之通猶存宜可寶也

皇女湯石銘

佚

水經注湔水文東逕胡木山東流又會溫泉水口出水出北山
阜炎勢奇毒疴疾之徒無能澡其衝漂救癢者咸去湯十
許步別池然後可入湯側有石銘云皇女湯可以療萬疾
者也

元和郡縣志溫湯水在縣西四十里狀如沸湯可以熟米
側有石銘曰皇女湯可已萬病

唐書地理志梁西南五十里有溫湯可以熟米又有黃女
湯高宗置溫泉頓

案黃女湯卽皇女湯黃皇假借字

太平寰宇記皇汝湯注水經云溫泉水出北山阜七泉奇
發炎熱奇毒疴疾之徒無能澡其衝漂救饗者咸去湯十
許步別池然後可入湯側有石銘曰皇女湯可治萬病亦
可熟米

案水經注皇女湯可以療萬病者也故杜彥達云然如沸
湯可以熟米今記作亦可熟米與可治萬病連文合二事
爲一此擇焉而不精也

案後漢書后紀顯宗十一女皇女臣建初元年封魯陽公
主注魯陽縣屬南陽郡婦人得封食湯沐邑銘刻稱皇女者當以此

也

彭山碑

佚

水經注潞水東逕應城南故應鄉也應侯之國詩所謂應侯順德者也彭水注之俗謂之小潞水水出魯陽縣南彭山蟻陂東麓北流逕彭山西下有彭山廟廟前有彭山碑漢桓帝元嘉三年杜仲長立

趙一清水經注釋案范史桓帝紀元嘉紀元僅二年至明年夏五月改元曰永興不得云三年也或碑以春立在未改元之前此與成陽靈臺碑正同

尹儉闕東碑

佚

水經注漢安邑長尹儉墓東冢西有石廟廟前有兩石

關東有碑

焦立碑

佚

水經注滎水又東北合牛蘭水水發縣北牛蘭山東南逕魯陽城東水側有漢陽侯焦立碑

南陽都鄉正衛爲碑

佚

水經注滎水東逕魯陽縣故城南城卽劉累之故邑也有魯山縣居其陽故因名焉王莽之魯山也昔在于楚文子守之與韓遘戰有返景之誠內有南陽都鄉正衛爲碑

金石錄漢都鄉正街彈碑在汝州界故昆陽城中文字磨

齊山縣志卷十一
五
滅不可考究其歲月畧可見蓋中平二年正月而其額題都鄉正街彈碑莫知其爲何碑也

隸釋都鄉正衛彈碑隸額文十一行頌四行張芑杜則數人題名二行靈帝中平二年立在汝州昆陽城中水經魯陽縣有南陽都鄉正衛爲碑平氏縣有南陽都鄉正衛彈碑此則其一也趙氏誤認衛爲街遂云莫曉其爲何碑予初得已剪帖本續後始獲全碑考其文則縣令寧陵君承昆陽喪亂之餘愍徭役之害結單言府班董科例收其舊直臨時募顧不煩居民太守東郡王瓌承濟陰華林優卹民隱爲之立約自是之後吏無苛擾之煩野無愁痛之聲其大畧如此又云因民所利斯所謂惠康之策又有輕

賦歛及役艱苦之語頌則美其輕賦均約蓋是紀述守令
繇役條教也前書食貨志月爲更卒已復爲正注云更卒
謂給郡縣一月而更者王卒謂給中都官者衛宏漢官舊
儀明年二十三爲正一歲爲衛士一歲爲材官習射御騎
馳戰陣又云民給正衛材官年五十六老衰乃得免爲民
酸棗令劉熊碑云愍念烝民勞苦不均爲作正彈造設門
更此云都鄉正衛彈者與劉君碑同

漢隸字源中平二年立在汝州水經云平氏縣城內有南
陽都鄉正衛彈勸碑又魯陽縣有南陽都鄉正衛爲碑舊
錄作衛彈在葉縣金石作街彈在汝州界故昆陽城中文
字磨滅不可考隸釋作衛彈以金石作街彈爲誤

困學紀聞里宰以歲時合耦于勑注云勑者里宰治處也若今街彈之室于此合耦使相佐助疏謂漢時在街置室檢彈一里之民金石錄有中平二年正月都鄉正街彈碑在昆陽城中趙明誠失于考禮注而酈氏注水經洪氏隸釋皆以街爲衛又誤矣

藹吉隸辨街彈碑額題云都鄉正街彈碑六隸字爲二行隸釋云文十一行頌四行張芑杜則數人題名二行按金石錄作街彈碑隸釋據水經注魯陽縣有南陽都鄉正衛爲碑平氏縣有南陽都鄉正衛彈勑碑以街爲衛議趙氏之誤非也周禮里宰以歲時合耦于勑鄭注云勑者里宰治處也若今街彈之室於此合耦使相佐助因放而爲名

疏云鄭以漢法況之漢時在街置室一間案周禮疏在街置室檢彈一里之民無一間字彈一里之民於此合耦使相佐助因放而名耨也此碑雖殘缺其文義猶可尋考乃縣令寧陵君承昆陽喪亂之餘愍繇役之害結單言府班董科例收其舊直臨時募顧不煩居民太守東郡王瓌丞濟陰華林優恤民隱爲之立約自是之後吏無苛擾之煩野無愁痛之聲其大畧如此蓋設都鄉正街彈之室立此碑以爲民約非都鄉正姓衛名彈也劉熊碑云愍念烝民勞苦不均爲作正彈造設門更所云正彈卽都鄉正街彈也水經注以爲衛爲亦以爲衛彈此傳寫之謫何可爲據當從金石錄作街彈而乃云莫知其爲何碑者蓋未考周

禮之注耳

趙一清水經注釋引續金石錄云周禮里宰合耦于耒鄭
元謂耦者里宰治處也若今街彈之室疏云漢時在街置
室檢彈一里之民于此水經建寧三年改新豐爲都鄉而
百官志凡州所監爲都都鄉者都邑之鄉若今之關廂也
故鄉曰某鄉而都鄉則無地名封爵有都鄉侯在關內侯
之上正者漢官舊儀云民年二十三爲正一歲以爲衛士
一歲爲材官騎士前漢食貨志月爲更卒已復爲正師古
曰更卒給郡縣一月而更正卒爲給中都官者此都鄉之
正也周禮于耒合耦以勸農漢人于街彈之室糾彈不法
昆陽當亂喪之餘徭役煩苦郡守縣令班董科條收其舊

直臨時顧募不煩居民立碑于街彈公所以頌其德也洪氏云趙氏誤認衛字爲街改名街彈碑亦引衛宏漢官舊儀爲證無論街彈見于註疏若衛士乃正卒一歲以後所遷之名又一歲爲材官騎士百官志註云凡八月都尉令長相丞尉課試殿最非若正卒亭長之所得糾彈也況去士字似不成語予意仍題街彈爲得洪氏碑目云水經作衛爲趙作街彈按水經魯陽縣有南陽都鄉正衛爲碑衛爲似人姓名在魯陽非昆陽也如以衛字屬之上文作爲碑二字題額又何說乎又引劉熊碑愍念烝民勞苦不均爲作正彈按三國志吳張淑爲司直表正彈曲二十人專司不法與劉碑之正彈同非此碑之正係卒夫之名也況

洪之所辨乃衛字若引劉碑則正彈連合又何關涉乎庀
林曰水經注魯陽縣有南陽都鄉正衛爲碑平氏縣有南
陽都鄉正衛彈勸碑衛之與街豈可強傳者按鄭元駁許
慎異義曰周禮六十十五皆征之使爲胥徒給公家之事
如今之正衛耳又張晏漢書注曰監門里正衛也正衛自
是漢魏微官秩若封人仕同里宰不得以解街彈之室也
案都鄉正衛爲碑洪氏指趙德甫誤認衛爲街王伯厚据
周禮里宰以歲時合耦于耒鄭注云耒耨耨者里宰治處也若
今街彈之室于此合耦使相佐助疏云鄭以漢法況之漢
時在街置室撿彈一里之民考衛彈碑有相扶助字又有
輕賦帥約孔均繇役字殆與周書大聚解飲食相約典彈

相與耕缺

耘合蓋興殫相庸卽興力殫作互相爲代昭

十六年傳庸次比耕庸代傭也疏所証爲撿殫未得其解因跋此碑附及之

魯陽公墓碑

佚

寶刻叢編魯陽公墓四字在魯山縣露山東北五里墓上

石碑有魯陽公墓四字

引襄
字記

皇輿考魯陽公墓四字碑

魯
山

通志周魯陽公墓在魯山縣城西北二里墓有石碑止存四字

徐若階纂縣志魯陽公墓相傳石碑四字褒魯王墓也未